



- **Encuntada con la comunité de ploania:** le Consei de Ploania envieia en **lönesc, ai 29 d'aorí, do messa**, te Ciasa dles Uniuns a na encuntada con la comunité. Al gnará porté dant le proiet dla calogna y l'ativité dla ploania. Düc é bel enviés!
- **Ciampanin:** al ven lascé alessi che al é sté cambiamonc ci co reverda le ciaré sora les ciampanes: Siegfried y Albin dá jö söa enciaria. **A ei en gran iolan y Dio ti al paii por le sorvisc che ai á fat.** Dal mantenimont dal ciampanin fistidieia da sen ennant en grup nò: le mone Hubert Ploner, Ivan Trebo y Roman Frontull. Emplü vegnel lascé alessi che al gnará saré l'üsc de ciampanin por motifs de sügherté.
- **Conzert:** en **jöbia ai 2 de ma ales 10:30 y en sabeda ai 4 de ma ales 17:00** vegnel presenté te Ciasa dles Uniuns en concert tal cader dal proiet „**lu, tö y la Musiga – nosta Bläserklasse**“ con scolars y scolares dla scora elementara d'La Pli co sona en strumont a fle. Le proiet é na colaboraziun danter la Direziun dla Scora d'Al Plan y la Musiga d'La Pli. Düc è bel enviés.
- **Presentaziun:** l'Istitut Ladin envieia düc der bel en **sabeda ai 4 de ma, ales 16:00** tla Gran Ciasa ala presentaziun dal liber “**La lëtra por le re**”. Al se trata dla traduziun de n roman por jogn de Tonke Dragt fata da Maria Margareth Pedevilla.

1 Enformaziuns y termins

Preparaziun al Bato: düc i geniturs co á na picia creatōra da bacé, pers co aspeta, toc y totes é enviés ala preparaziun dal Bato co ven tignida **en sabeda ai 4 de ma**, dales 15:00 ales 17:00 te salf de calogna a **Al Plan**. Prenotaziuns, ☎ 328 0717796.

La Uniun Ei Val Badia KMB envieia düc i ei y i jogn ala prozesciun con linternes o cianderes (da se tó do) **en lönesc ai 13 de ma, dales 21:00, da Porsenú a Neustift**. I piun ia dal Vinzentinum y jun a Neustift olach'al gnará celebré na messa con sig. Peter Kocevar. Al vá ia na coriera aposta co passa a Longega ales 19:30. I interessés é periés da s'anunzié pa Leo Crepaz, ☎ 348 4096351 cina en domegna ai 12 de ma.

Comune: por le mens de ma romagn le zënter de riziclaje Ciamaor ma plü le vendres davert dales 15:00 ales 19:30. Le dedemesaledema romagnel stlüt.

Presentaziun: les Patrones de Badia deboriada con la Biblioteca Sas dla Crusc y le Consei de Formaziun dal Comun de Badia envieia en jöbia ai 9 de má ales 20:00 te Biblioteca a La lla ala presentaziun dal liber “Bäuerliche Kapellen in Südtirol” con l'auturia Margot Schwienbacher y la sorastanta dles Patrones de Südtirol Antonia Egger.

Ocio: l'apoteca d'Al Plan resta slüta dai 6 ai 16 de Ma.

Döt le bun a: Jep Rindler * 03.05.1938
Anna Taibon ved. Pedevilla * 04.05.1932
y a düc chi co á santennom y compless i agn cöst'edema

Impressum: Ploania d'La Pli; redaziun Franz Rigo y Roman Frontull
Comunicaziuns: cina le **dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org




Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann B

28.04.2024 - Cuinta domegna de Pasca

n. 22

Romagnede te me, spo romagni iu te os. Chel co romagn te me porta trep früt. Alleluia.

(aclamaziun dan le Vangelo)

📖 **St.Ap 9, 26–31 | 1 Jan 3, 18–24 | Jan 15, 1–8**

Nosta fede n'é nia ma na dotrina, al n'é nia na ideologia. La sostanza de nosc credo é la porsona Gejú Crist. Pa d'el mess nosta vita entres endô se orienté, pa d'el se tegní. Mo al é pô ince el co se ten y se dá forza da fá la orenté de Chel Bel Dio. De cösc messâ i discepui tegnî cunt, canch'ai se fajea ponsiers co ch'ara messâ jí ennant, canche Gejú ne foss nia plü sté pa d'ei. Y Gejú ti al mostra con l'ejempl dal len da öa co porta. Desche la rama porta früt ma sce ara é liada al len, ensciö pó ince i discepui ma porte früt sce ai é liés a Gejú, deache el é le len y ei les rames. Y al dij lapró: „Chel co resta te me y iu te el, chel portará trep früt, deache zonza de me ne podeise fá nia“ (Vangelo). Gejú rosserí lascia tó pert sü discepui a söa vita y a so spirit. Les prömes comunités cristianes á podü sperimete la bunté de cösta vijinanza dal Signur: ensciö liunse tla Storia dai Apostui. La Dlijja cherscea y jea ennant con de gran vari tal timur de Dio y con l'aiüt dal Spirit Sant. Ma san Paul á, do söa converjiun, ciamó mossü tal pröm tegnî fora la desfidonza dai discepuli. Val' de te' pó sozeder ince aldedaencö: che önn co é döt fü por Gejú ne ven nia capí y azeté da de chi dal medemo credo. (1ª letōra). Ala fin recorda san Jan che la ciarité che Chel Bel Dio damanda da nos, mess se desmostré en cunt dai debojügn de nosc proscimo con i fac. Chi co ne baia nia ma d'amur, mo se comporta ince con i fac aladô, podará ince ester sogü dal amur de Chel Bel Dio (2ª letōra). da “Bibia di Sandís”

Dal Vangelo do San Jan:

Te chel tomp á Gejú dit a sü discepui: ¹Iu sun le der len da öa, y mio pere é le vignadú. ²Vigne rama co ne porta nia früt te me, taiel ia y vigne rama co porta früt, purifichiel por ch'ara porti deplü. ³Os seis belo purifichés con la parora ch'i ves á dit. ⁴Romagnede te me, spo romagni iu te os. Desche la rama da öa ne sciafia nia da porté früt da d'era enstessa, mo ma sc'ara romagn pa le len, ensciö ne sciafieise gnanca os da porté früt, sc'i ne romagneise nia te me. ⁵Iu sun le len da öa, os seis les rames. Chel co romagn te me y te chel co iu romagni, chel porta trep früt; ciodiche despartis da me, ne sciafieise da fá nia. ⁶Chel co ne romagn nia te me, ven sciüré demez desco la rama da öa y secia. An chei adöm les rames, les sciüra te fü y ares verd jö. ⁷Sce os romagneis te me y sce mies parores romagn te os, spo periede do döt ci ch'i oreis: i le ciafareis. ⁸Mio Pere ven glorifiché te chel, ch'i porteis trep früt y ch'i deventeis mi discepui.



Iu sun le der len da öa
Jan 15, 1

📖 **Letōres dla Sesta domegna de Pasca:**

St.Ap 10, 25–26.34–35.44–48 | 1 Jan 4, 7–10 | Jan 15, 9–17

Edema liturgica dai 28.04. ai 05.05.2024	
DOM 28.	Cuinta domegna de Pasca FESTA DLA PRÖMA SANTA COMEGNUN <i>Pire Chanel, Ludwig Maria Grignon de Montfort</i>
→ 10:00	i acompagnun les 9 mitans y i 5 mituns dla Pröma Santa Comegnun da paiun sö te dljia <i>♫ grup de mituns y mitans</i> gran messa por i comunicanc y söes families y por döta la ploania 10:00 <i>gran messa a Al Plan</i>
Lön 29.	<i>fešta de Santa Caterina da Siena (patrona d'Europa), Roswita, Robert</i>
19:00	s.m. de rengraziamont dla bona saison da d'invern s.m. d'aniversar por † Berta Comploi, Framacia s.m. por † Marta Erlacher Feichter, Cargá s.m. por †† Othmar y Uli Costabiei, Valentina Obojes, Edith Nagler
Ded 30.	<i>Pio V., Hildegard, Rosamunde, Bernhard</i>
07:30	<i>s.m. a Antermeia</i>
Dem 01.	<i>Sant Ojep laurant, Augustin, Arnold, Maximilian</i>
Jöb 02.	<i>Atanase, Sigismund - de d'oraziun do vocaziuns</i>
07:30	<i>s.m. a Rina</i>
→ 19:00	corona por perié do vocaziuns
Ven 03.	pröm vendres - fešta dai sanc apostui Filippo y Iaco, Alexander
07:30	<i>s.m. a Al Plan</i> signor ploan vá a proveder
Sab 04.	<i>Florian (patron da Curt), Guido, Valeria</i>
07:30	s.m. do entenziun s.m. por † Teresa Taibon ved. Konrater, Biei s.m. por † Jep Lanz, dal Pico
18:00	<i>s.m. prefeſtia a Al Plan</i>
DOM 05.	Sesta domegna de Pasca <i>Max, Angelo, Iuta, Sigrid</i>
→ 09:15	prozesciun a Curt, enló 1 en vangelo y s.m. en onú de San Florian do entenziun dai Stödafüs d'La Pli y d'Al Plan s.m. por †† Vigile y Maria Comploi, Möra <i>♫ Musiga d'Al Plan</i>
10:00	<i>gran messa a Al Plan</i>
<i>ampola:</i>	por la sanité
<i>ministronc:</i>	• lönesc y sabeda: Sara P. y Erich • domegna: Anna y Elisabeth, Valentina y Samuel
<i>i recordun:</i>	Berta Comploi † 29.04.2021 Maria Trebo Wilhelm, Pretzfeld † 30.04.2015 Zezilia Frontull ved. Rungger, Al Plan † 30.04.2020 Giuseppe Ploner, Chatillon † 04.05.2019

Resté liés a Gejú Crist

I ponsun do:

Vigne comunité adora le dialogh y la comunicaziun. Zonza en contat vi vá amizizies endalater y l'amur mör. Ince nosc raport con Gejú Crist adora n lian co döra. Nosta fede foss zonza al prigo da s'assié sö da daete fora. La parabola dal len da öa s'ensegna, ch'al va debojügn da ester unís a Gejú Crist.

I periu:

Bel Dio, tres to Fi Gejú Crist s'aste cherdé al amur fratern. Fá ch'i romagnunse unís a el y che cösta uniun de vita porti früc. Por Gejú Crist, nosc Signur.

Vesco Wilhelm Egger "Sonntagsbibel"



L'Eucaristia - Se sonté pa mesa con Chel Bel Dio

Chel Bel Dio ó sté dlungia nos, plü dlungia co che na porsona pó ester – encer nos y te nos.

Tal sacramont dl'Eucaristia sunse sontés con Gejú pa mesa: ci ch'al á dit dan da presc duimile agn a sü amisc ven present tla Santa Messa: "Cösc é mio corp y cösc é mio sanch."

Pan y vin é segns de Gejú enstes, segns de söa vijinanza. Tal pan y tal vin sontiunse söa presenza.

"Eucaristia" o dí "rengrazié".
I án trepes gaujes da dí iolan:
por le soredl, la ciasa,
la speisa, por i geniturs, i fredesc y les sorus,
i compagns, por la sanité y por nosta vita.

Nos ne viun nia susc, i ne cherdun nia da susc. Ti'Eucaristia festejunse nosta comunité con i atri cristiagn y con Chel Bel Dio, nosc Pere. Ara se ven scincada da so Fi Gejú, co é nosc fré. Ince a El orunse ti dí iolan.

La Pröma Comuniun é l'envit solenn de Gejú da se sonté pa mesa con El.

